



¿QUÉ YE'L CLUB DE LLECTURA N'ASTURIANU Y GALLEGO-ASTURIANU?

Ye una rede de llectores que van compartir la so esperiencia llectora n'asturianu y gallego-asturianu. La Dirección Xeneral de Política Llingüística pon en marcha esti club pa ufiertar a tolos centros educativos d'Asturies que tengan alumnáu matriculao en Llingua Asturiana y Lliteratura o Gallego-Asturianu una retafila de títulos de toa mena dirixíos a públicu vario. Al traviés del empréstanu de llibros, el profesoráu va escoyer los títulos que más-y presten pa trabayar col so alumnáu y poder desenvolver xeres y actividades sobre caún de los títulos.

¿A QUIÉN VA DIRIXÍU?

A tol profesoráu de centros educativos d'Asturies que tengan alumnáu matriculao en Llingua Asturiana y Lliteratura o Gallego-Asturianu nes etapes de Primaria, Secundaria o Bachilleratu.

¿QUÉ TÍTULOS VAN UFIERTASE?

Títulos qu'abarquen llectures de toa mena. Va ser el profesoráu quien va escoyer pa qué etapa dirixir caún de los títulos. Los llibros tán ordenaos alfabéticamente, pero nun tán estremaos por edaes. L'adaptación de les llectures a los intereses y al nivel llingüísticu del alumnáu va facela'l profesoráu, d'alcuertu col so criteriu.

¿CUÁNTOS LLIBROS VA PODER SOLICITAR EL PROFESORÁU?

D'una vez, cada profesor/a va poder solicitar tantos llibros del mesmu título como númberu máximu d'ellos haya na ufierta. Si nun hai exemplares abondos pa tolos escolinos, habrá pensar en compartir llibru pa cada dos alumnos/es.



¿CUÁNTU TIEMPU VOI PODER TENER N'EMPRESTAMU LOS LLIBROS?

Dende que se fai la petición de títulos, van dexase n'emprestamu un mes y mediu, plazu que se podrá ampliar si se fai la petición primero de qu'acabe l'emprestamu.

¿CÓMO SOLICITAR LOS LLIBROS N'EMPRESTAMU?

El profesoráu tien qu'unviar un corréu electrónicu a spconocimientu@asturias.org axuntando l'**Anexu I**.

¿CÓMO SÉ QUE VA TOCAME DALGÚN TÍTULU PA TRABAYAR NEL AULA?

Nel momentu en que se faiga la petición, nel plazu de dos díes va unviase respuesta de si hai posibilidaes d'atender la petición.

ENTREGA Y DEVOLUCIÓN D'EXEMPLARES

El Serviciu de Política Llingüística va ponese en contactu col profesoráu solicitante p'alcordar cómo va recoyer y volver los exemplares.

ACTUALIZACIÓN DE LA LLISTA DE TÍTULOS PA EMPRESTAR

Al principiu de cada cursu escolar va espublizase nel portal d'Educastur y va unviase al traviés del corréu electrónicu l'actualización de la llista de llibros que se ufierten col númberu d'exemplares actualizáu.



¿QUÉ É EL CLUB DE LLECTURA EN ASTURIANO Y GALLEGO-ASTURIANO?

É úa rede de llectores que van compartir a súa experiencia llectora en asturiano y gallego-asturiano. A Dirección Xeneral de Política Llingüística pon en marcha este club pra brindar a todos os centros educativos d'Asturias que teñan alumnao matriculao en Llingua Asturiana y Lliteratura ou Gallego-Asturiano úa restra de títulos de todas as menas dirixidos a público vario. Al través del empréstamo de llibros, el profesorado vai escoyer os títulos que máis ye presten pra trabayar col sou alumnao y poder desenvolver llaores y actividades sobre cada ún dos títulos.

¿A QUÉN VAI DIRIXIDO?

A todo el profesorado de centros educativos d'Asturias que teñan alumnao matriculao en Llingua Asturiana y Lliteratura ou Gallego-Asturiano nas etapas de Primaria, Secundaria ou Bachillerato.

¿QUÉ TÍTULOS VAN BRINDARSE?

Títulos qu'abarcen llecturas de todas as menas. Vai ser el profesorado quen vai escoyer pra qué etapa dirixir cada ún dos títulos. Os llibros tán ordenaos alfabéticamente, pro nun tán estremaos por edades. El adaptación das llecturas a os intereses y al nivel llingüístico del alumnao vaila fer el profesorado, d'acordo col sou criterio.

¿CÓNTOS LLIBROS VAI PODER SOLICITAR EL PROFESORAO?

D'úa vez, cada profesor/a vai poder solicitar tantos llibros del mesmo título como número máximo d'ellos haxa na oferta. Se nun hai exemplares abondos pra todos os alumnos/as, terá que pensar en compartir un llibro pra cada dous.



¿CÓMO TEMPO HEI A PODER TER EN EMPRÉSTAMO OS LLIBROS?

Dende que se fai a petición de títulos, van deixarse en empréstanu un mes y medio, prazo que se vai poder ampliar se se fai a petición primeiro de qu'acabe el empréstanu.

¿CÓMO SOLICITAR OS LLIBROS EN EMPRÉSTAMO?

El profesorado ten que mandar un correo electrónico a spconocimientu@asturias.org adxuntando el **Anexo I**.

¿CÓMO SEI QUE ME VAI TOCAR DALGÚN TÍTULO PRA TRABAYAR NEL AULA?

Nel momento en que se faga a petición, nel prazo de dous días vai mandarse resposta de se hai posibilidades d'atender a petición.

ENTREGA Y DEVOLUCIÓN D'EXEMPLARES

El Servicio de Política Llingüística vai poñerse en contacto col profesorado solicitante pr'acordar cómo vai recoyer y volver os exemplares.

ACTUALIZACIÓN DA LLISTA DE TÍTULOS PRA EMPRESTAR

Al empezo de cada curso escolar vai publicarse nel portal d'Educastur y vai mandarse al través del correo electrónico el actualización da llista de llibros que se brindan col número d'exemplares actualizao.